

## **GREINARGERÐ MEÐ TILLÖGUM FAGHÓPS UM STYRKI MENNINGAR- ÍÞRÓTTA- OG TÓMSTUNÐARÁÐS 2023**

Alls bárust upphaflega 169 umsóknir til meðferðar. Sjö umsóknir voru fluttar af öðrum sviðum til faghóps MÍT og samtals fjórar umsóknir voru fluttar frá faghópi MÍT til annarra fagnefnda. Alls voru því að lokum 172 umsóknir til meðferðar þar sem sótt var um samtals 269.296.626 kr. Nokkrir umsækjendur tilgreindu ekki umsóttu upphæð. Heildarfjárhæð úthlutað til almennra styrkja nam 45.400.000 kr sem var veitt til 66 verkefna. Þar af var 2.000.000 kr. ráðstafað til Listhóps Reykjavíkur árið 2023. Veittir voru sex styrkir til samstarfssamninga, alls 15.000.000 kr.

Listhópur 2023 verður Ungmennadanshópurinn Forward. Í hópnum eru ungir dansarar sem setja upp nokkrar sýningar á hverju ári og koma fram m.a. á hátíðum í borginni. Faghópurinn var sammála um að verkefnið er framúrskarandi og hefur mikla vaxtarmöguleika.

Nefndarmeðlimir lásu umsóknir yfir áður en þeir hittust á fundum sínum þar sem farið var yfir þær og komist að sameiginlegri niðurstöðu. Faghópurinn leitaðist við að velja metnaðarfull verkefni til úthlutunar og haft var að leiðarljósi að fjármunum yrði vel varið ásamt því að glæða borg og menningu lífi. Einnig og ekki síður að stuðningur myndi gagnast mörgum á breiðum vettvangi og að gert væri ráð fyrir að greiða þátttakendum laun en ekki bara í rekstur, framkvæmd og viðhald fasteigna.

Ein meginregla faghópsins var að verk væru komin nokkuð á reksþöl og kæmu til framkvæmda á árinu. Við ákvarðanatöku var horft til þess hvort verk-, tíma- og fjárhagsáætlun væri raunhæf auk þess sem umsókn þurfti að gefa skýra mynd af verkefninu. Þar var horft til þess að verkefnið tengdust sem flestum hverfum borgarinnar ásamt því að verkefnið endurspegli fjölbreytni í samfélaginu og uppfylli markmið borgarinnar um inngildingu og aðgengi að menningu og listum.

Faghópurinn vill árétta mikilvægi þess að taka til endurskoðunar þá þjónustu sem lúðrasveitir veita borginni (með vísun í skýrslu faghóps 2022). Lúðrasveitir ættu að fá greitt fyrir veitta þjónustu (á stórhátíðardögum) með innsendum reikning í stað þess að láta þær senda inn umsókn í samkeppnissjóð á hverju ári. Það er ljóst að upphæðin sem er til úthlutunar hefur ekki hækkað í mörg ár og þarf að hækka verulega til að borgin standi undir nafni sem menningarborg.


Að beiðni menningar- og ferðamálasviðs nýtti faghópurinn í fyrsta skiptið matsblað við yfirferð umsókna. Matsblaðið er í þróun hjá skrifstofu menningarmála og byggir á þeim kröfum sem borgin setur um styrkveitingar í Reglum Reykjavíkurborgar um styrki, Mannréttindastefnu Reykjavíkurborgar og Menningarstefnu Reykjavíkurborgar. Matsblaðið nýttist vel og telur faghópurinn að gott væri að nýta það við áframhaldandi val á styrktum verkefnum, en mikilvægt er að matsblaðið sé leiðbeinandi, en ekki bindandi við val á umsóknum.

**SKIPTING MILLI LISTGREINA Í GRÓFUM DRÁTTUM**


Margar umsóknir eru þverfaglegar og bera með sér skörun ólíkra listgreina. Í grófum dráttum er skipting á eftirfarandi máta;

Samantekt	Umsóknir	Veittir styrkir	Upphæð	Árangurshlutfall
Hönnun og arkitektúr	7	3	2,400,000	42.86%
Kvikmyndir	11	2	2,000,000	18.18%
Myndlist og aðrar sjónlistir (myndlist, ljósmyndir, vídeóverk o.fl.)	17	10	10,650,000	58.82%
Ritlist, bókmenntir og útgáfa	7	3	2,000,000	42.86%
Sviðslistir (leiklist, dans, ópera o.fl.)	44	22	18,400,000	50.00%
Tónlist	59	23	17,150,000	38.98%
Þverfagleg list	11	7	6,100,000	63.64%
Annað	10	2	1,700,000	20.00%
	166	72	60,400,000	43.37%

## Veittir styrkir - fjöldi




## Veittir styrkir - upphæðir



### Faghópin skipaðu:

Sigurlín Bjarney Gísladóttir, formaður  
Björg Brjánsdóttir  
Freyja Eilíf Logadóttir  
Magnea Einarsdóttir  
Víkingur Kristjánsson

Virðingarfyllt fyrir hönd faghópsins,

  
Sigurlín Bjarney Gísladóttir